



Á vista do escrito do profesor don Fernando Cobo Gradín, Director da Estación de Hidrobioloxía “Encoro do Con” da Universidade de Santiago de Compostela en Vilagarcía de Arousa, polo que manifesta a súa disposición a recibir ao alumnado en prácticas da titulación de Master en Enxeñaría Ambiental, esta REITORÍA

-Considerando que no Master en Enxeñaría Ambiental recóllese a posibilidade de que o alumnado realice prácticas en empresas, institucións públicas ou privadas. Con estas prácticas preténdese que os estudantes desenvolvan os coñecementos e habilidades adquiridos ao longo dos estudos.

-Considerando que a Estación Hidrobiolóxica “Encoro do Con” arriba citada está integrada na Universidade de Santiago de Compostela.

-Considerando que é vontade da Universidade potenciar a realización de actividades de formación, especialización e prácticas en no ámbito dos estudos da titulación do Master en Enxeñaría Ambiental, coa finalidade de contribuír a unha mellor e máis completa formación e cualificación do estudantado.

RESOLVE

Autorizar a realización de prácticas do alumnado da titulación de Máster en Enxeñaría Ambiental nas instalacións da Estación Hidrobiolóxica “Encoro do Con, que se realizarán conforme ao seguinte réxime:

- Durante o período non lectivo, as prácticas que realicen os alumnos constarán de 30 horas semanais. Durante o período lectivo a dedicación máxima será de 15 horas, salvo casos excepcionais. Computarase un crédito por cada vinte e cinco horas de prácticas, sen poder superar o límite de 150 horas, que establece o plano de estudos para estes efectos.(6 créditos)
- Estas prácticas realizaranse no período que determine a Comisión Académica desta titulación de acordo coa Dirección da Estación Hidrobiolóxica “Encoro do Con”, e concretaranse nas convocatorias que faga a USC.
- Ningún alumno terá a posibilidade de prorrogar ou repetir as prácticas realizadas ao abeiro deste convenio.
- O feito de que o alumnado realice prácticas na Estación Hidrobiolóxica “Encoro do Con” non suporá ningún tipo de relación laboral coa Universidade nin determinará a existencia de ningunha responsabilidade pola súa parte.
- Os alumnos que van realizar as prácticas serán seleccionados consonte unha convocatoria que respectará os principios de publicidade, igualdade, obxectividade e mérito.
- A Comisión Académica do Master en Enxeñaría Ambiental nomeará a un titor, que realizará o seguimento das prácticas dos alumnos. Así mesmo, a Estación Hidrobiolóxica “Encoro do Con” nomeará a un titor deste centro que supervisará as prácticas realizadas polo alumno.
- Ao remate de cada período de prácticas cada un dos alumnos deberá realizar unha memoria final sobre o traballo realizado.

- A avaliación das prácticas realizaraa a USC a través do titor/-ra, á vista da devandita memoria e do informe do titor/-ra de prácticas da Estación Hidrobiolóxica "Encoro do Con".
- As prácticas soamente poderán ser avaliadas favorablemente se a ausencia non excede do 15% das horas programadas, ou o que determine a gufa docente do programa de estudos.
Se a avaliación da memoria é positiva e o informe da actuación do alumno/a favorable, o responsable da Estación Hidrobiolóxica "Encoro do Con" emitirá por cada un dos estudantes que participaran con regularidade nas prácticas unha certificación na que debe constar o tempo de colaboración e as actividades, traballos de investigación ou avaliación, etc. realizados.
A certificación deberá especificar que, para os efectos académicos, queda supeditada á avaliación que realice a USC das prácticas.
- Aqueles alumnos que teñan menos de vinte e oito anos seguen baixo a protección do seguro escolar. Non obstante, no caso de prácticas nas que concorra un risco excepcional, deberá contratarse un seguro de responsabilidade civil ou de accidentes

Santiago de Compostela, 11 de abril de 2011

O REITOR



Casares Long

**SR. COORDINADOR DO MASTER EN ENXEÑARÍA AMBIENTAL
SR. XEFE DO SERVIZO DE XESTIÓN ACADÉMICA
SRA. DIRECTORA DA OFICINA DE INFORMACIÓN UNIVERSITARIA
PROF. DON FERNANDO COBO GRADIN (DIRECTOR DA ESTACIÓN HIDROBIOLÓXICA "ENCORO DO CON")**